



Inatsisartut

Aningaasaqarnermut Ataatsimiititaliaq
Finansudvalget

Ulloq/Dato: 4. juli 2011
J.nr.: 01.31.06/11-00538

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/11-00538 pillugu sisamangornermi ulloq 30. juni 2011-mi aalajangiineranik Naalakkersuisunut ilisimatitsineq.

Nummi ilinniartunut inissianik 42-nik sananissamut atugassanngortitsinissaq

Naalakkersuisut **inassutigaaat**,

- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 996.52.056-imut, Ilinniartut inaannik pilersaarusiornermut sanaartornermullu 2011-mut tunngasumut, aningaasaliissutit 16,9 mio. koruuninik ikilineqassasut, aamma suliassamut nr. 060.52.063-imut, Nummi kollegianut 42-inut tunngasumut, aningaasaliissutit 2011-mi 16,9 mio. koruuninik amerlineqassasut, aamma
- suliassamut nr. 060.52.063-imut, Nummi kollegianut 42-nut tunngasumut, aningaasaliissutinut tamarmiusunut isumaqatigiissummik atsiornissamut Naalakkersuisut piginnaatinneqassasut.

Aningaasaqarnermut Ataatsimiititaliap oqaaseqaatai

Nummi ilinniartunut inissianik 42-nik sanaartornissaq siunertaralugu aningaasanik atugassanngortitsinissaq Naalakkersuisut suliame matumani qinnutigaat. Tamanna imaaliiallaannarlugu akuerineqarsinnaavoq.

Sanaartornerilli ukiunut arlalinnut aningaasaliissutitallit pillugit aningaasaliissuteqartarnikkut tunngaviummik ajornartorsutit aningaasaqarnikkut kinguneqaatit pillugit isummernissamut tunngavissiap immikkoortuani nassuiaatigineqartut ataatsimiititaliamit maluginiarneqarpoq. Inassuteqaatit siuliani allassimasut aappaat tamatuminnga tunngaveqartut isigineqassaaq. Sanaartugassamik Aningaasaqarnermut Ataatsimiititaliap akuersissutiginninnerata tassungalu atatumik aningaasanut inatsimmi ukiuni missingersuusiorfinni sanaartornermut aningaasaliussanik tamarmiusunik atugassiissutiginninnerup qanoq isumaqarneranik qanorlu ungasitsigisumut atuussinnaassuseqarneranik Naalakkersuisut allattoqarfianni nalorninermik Naalakkersuisut isumaliutiginninnerat tunngaveqarsorinarpoq.

Taama nalornissuteqarnissaq Aningaasaqarnermut Ataatsimiititaliamit pisariaqanngitsutut isigineqarpoq, tamatumani missingersuusiornermut inatsimmi § 18-imut nassuiaatit ataatsimiititaliamit innersuussutigineqassapput, tassani ilaatigut ima allassimasoqarluni:

"Aningaasaliissutit ataasiakkaat nassuiaatitaanni (missingersuusianut ilaatitani) pilersaarusiaq, pilersaarusiap qanoq sivistigisumik ingerlanneqarnissaanik naatsorsuutigisaaq kiisalu pilersaarusiap tamakkiisumik aningaasartuutitassaa nassuiarneqassapput. Pilersaarusiap tamakkiisumik aningaasartuutitassaa tassaavoq. aningaasatigut sinaakutissaa, taamaalillunilu tassaassalluni aningaa-saliissuteqarnermi sinaakutissaaq Naalakkersuisunut ilaasortap attuumassuteqartup. pilersaarusiap naammassiniarnerani aningaasatigut killigisassaa. Tamakkiisumik

aningaasartuutissanut naleqqiullugu nikingassuteqarpat ilassutitut aningaasaliisoqartussaavoq.”

Allatut oqaatigalugu suliassat allaaserineqarneranni pilersaarusiarnut tamakkiisumik aningaasartuutissat iluanni sanaartugassatut ukiunut arlalinnut pilersaarutit aallartinneqarnissaat pillugu isumaqatigiissuteqarnissamut Naalakkersuisut missingersuusiornermut inatsit malillugu periarfissaqarput, aamma aningaasaliissutip ilaannaannut, nalinginnaasumik sanaartornerup ukiuani siullermi atugassatut aningaasaliissutaasut nalingannut, Aningaasaqarnermut Ataatsimiititaliamit Inatsisartunilluunniit akuersissut kisimi pigineqaraluartorluunniit.

Tamanna tunngavigalugu Naalakkersuisut inassuteqaataata aappaat siuliani allassimasoq pisariaqanngitsoq ataatsimiititaliaq isumaqarpoq, tassa pilersaarutit aallartinneqarnissaa, taamaalillunilu tamakkiisumik aningaasartuutissaq politikikkut akuersissutigineqarniariarnut oqartussaassuseq inassuteqaammiittoq Naalakkersuisunit pigineqalersutut isigineqartarmat, tamannalu pivoq Naalakkersuisut inassuteqaataannik siullermik politikikkut akuersissutiginnikkut. Inassuteqaalli arlaannaannulluunniit ajoqutaanngilaq, taamaattumillu taassuma akuersissutigineqarnissaa ajornartorsiutissartaqartutut isigineqanngilaq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap siulittaasua